

2 Timoti

Timoti hitte Pol beleŋ asaŋ sopte kayyiŋ

1 ¹Timoti, nebe Pol. Nebe Al Kurunyen dufay po gama irde Yesu Kristuyen mere basaŋ al aposel himiriŋ hime. Aposelmiŋ himiriŋ gobe al kura Yesu Kristuya awalikde hike Al Kurunya hugiŋeŋ hinayiŋ yeŋ Al Kurun beleŋ biŋa tiyyiŋ go po gama irde gago aposelmiŋ niriŋ. Niŋgeb ne aposelmiŋ gareb ge Timoti niŋ asaŋ gago kaŋ hime. ²Munaŋ gebe Al Kurun niŋ saba girde himeke keŋkela po gama irde hayen goke teŋbe urne nigen wor po yeŋ nurd gunen himyen. Irde hugiŋeŋ bubulkuŋne wor po yeŋ nurd gunen himyen.

Niŋgeb Al Kurunya Doyaŋ Al Kurunniŋiŋ Yesu Kristuya beleŋ hugiŋeŋ buniŋeŋ girde faraŋ gurde bege isikamke igiŋ po hiwoŋ yeŋ gusuŋaŋ yirde hime.

Al Kurunyen meten keŋkela teŋ hayiŋ

³Be, nebe wawunya naŋkahalya Al Kurun mere irde heŋyabe hugiŋeŋ ge niŋ bene sir ma yeŋ hiyen. Irde Yesu Kristu niŋ hekkeŋ nurde hayen goke Al Kurun igiŋ nurd unen himyen. Al Kurunbe bikkeŋ asine yago beleŋ doloŋ irde hinhan. Niŋgeb ne wor bener mat wukkeŋ nurdeya doloŋ irde himyen. ⁴Ne gubul teŋ naŋa hoyande kweŋ timekeb go ma keneŋ heŋ yeŋ eseŋ nurariŋ goke bene sir ma yeŋ hiyen. Niŋgeb kuŋ geneŋ amaŋ wor po hemewoŋ yeŋ nurde hime. ⁵Irde beger mat fudinde wor po Yesu Kristu niŋ hekkeŋ nurde hinhan goke wor bene sir ma yeŋ hiyen. Ge beleŋ Yesu Kristu niŋ hekkeŋ nurde hayen gobe abuyge Loisy momke Yunisya beleŋ wa nurdeb saba girkeb ge manaŋ hekkeŋ nurariŋ. Niŋgeb gayenter manaŋ fudinde gwahade po hekkeŋ nurde ha yeŋ nurde hime.

⁶Gwahade niŋgeb, Al Kurunyen meten teŋ teŋ ge bikkeŋ hanne tonanger yerde Holi Spirityen tareŋ niŋ gusuŋaŋ irmekeb gunyiŋ goyen

kak fu irke melak kurun hiyyen go gwahade yara sopte sanjij po irde meten tej hayij yen gago bebak girde hime. ⁷Ga ginen hime gabe Al Kurun belen Holi Spirit dunyij gobe kanduk yenen kafura hej hej ge ma dunyij geb gago ginen hime. Holi Spirit dunyij gobe sanjij po hej Al Kurunya al hoyanya nij amanen nurde hinayij irde megen nij dufay bulun fole irde hinayij yenbe gogo dunyij.

⁸Ningeb Doyan Al Kurunninij ge al dilingde huwarde tagal tagal nij memya ma hej hayij. Nebe mata bulun kura ma timij. Gega yen ge tagalde kun hime goke igij ma nurde han mar belen nad fere niran. Irkeb al belen tagal nunen giwgiw nirde han gobe nurde ha gogo. Goyenbe go nurdeb memya ma hawayij. Gwaha titjenbe ne tej himyen yara, ge manan Al Kurunyen tarende mere fudinde Yesu nij yitij mere goyen tagalde henya kanduk yenen hayij goke bada ma hawayij. ⁹Al Kurunbe nen gayen mata bulun bana mat dumulgan tikeb dirjen wen hitij. Irde nen gayen, “Megen nij mar mata bulun minyan gwahade mon, delner wukken po hinayij,” yenbe hoy dirij. Go dirij gobe mata igij kura tej hiteke denenya ma dirij. Yingen nen ge dufaymin bikken kirij goyen po gama irdeb bunijen dirde faran durdeb gogo dumulgan tej yingen hitte dukurij. Goyenbe nen bunijen dirde faran durd durd nij dufaymin kirij gobe gayamunkek mon. Bikken wor po megenya nanjinya gayen forok ma yekeya nen kame wor po forok yitij gayen gake bunijen nurde faran duren yenbe nen ge tej dufaymin goyen Yesu Kristu haniinde kirij. ¹⁰Irkeb Al Kurun belen dufaymin kirijnde gor mat wan wanbe gago Yesu Kristu, mata bulunninijnde mat Dumulgan tej tej Al gore megen gar katenbe Al Kurun belen bunijen dirde faran duren yen dufay hej hiyen goyen kawan irij. Be, kawan ire yenbe gogo kamiyinde mat huwardeb kamde kamdere nij tarej goyen isikamyij. Irde Satanyen yufuk bana po hej Al Kurun dilingde kamtij yara hityende matbe Al Kurun dirjen wen hej gayenter manan kame kame wor hugijen yenya awalikde po hej epte ma kamtek belen goyen nen belen nurde bebak tej gama irnayij yen mere fudinde yingen ge tagaltij goyen dikala dirij. ¹¹Munan nebe Yesu nij mere fudinde goyen tagalde tukunbe saba yirde hayij yen Al Kurun belen, “Yesuyen mere basan al hawayij,” ninenbe meten goyen nunij. ¹²Ningeb meten gwahade tenbe kanduk kenen hime gago. Goyenpoga ne belen hekken nurde unen himyen al Al Kurun gobe gwahade gwahade yen kenkela nurd unen himyen geb, koyare hime gayen gake memya ma hej hime. Irde Yesu nij tagaltij mere fudinde goke manan memya ma hej hime. Goyenbe memya ma hej hime gote minbe gogo po mon. Al Kurunbe ne doyan nirde hiyen yen ulneya tonneya tumnan haniinde yirmirij goyen yen belen kenkela doyan nirde hike kun kun kame Yesu mulgan hej wayyen nalu funande goyenter manan fudinde wor po doyan nirde hiyen yen nurde hime geb, gago

memya ma heŋ hime. Niŋgeb Al Kurunya Yesu Kristuyabe gwahade nirde haryen geb, ge wor igiŋ gwaha giriryen geb, haŋkapy ginhem gwahade po memya ma heŋ hayiŋ.

¹³Irdeb al saba yird yird meten tiyen yenbe saba fudinde girde himeke nurde hinhan goyen go po gama irde saba yirde hayen geb, igiŋ gwahade po saba yirde hayiŋ. Bada ma hawayiŋ. Irde gwaha ten henryabe Yesu Kristu belen po doyan girde hikeya Al Kurun niŋ hekken nurde yenya al hoyanya niŋ amanen nurde hayiŋ. ¹⁴Irde Al Kurun belen, “Yesu niŋ yitiŋ mere gobe igiŋ niŋgeb, al saba yirde hayiŋ,” ginenbe meten gunyiŋ geb, mere goyen kenkela heŋ doyan irde hayiŋ. Irkeb mere goyen al kura belen epte ma bulun irnayiŋ. Goyenbe gere saŋinde moŋ. Deyya hitte hi al Holi Spirit gote tarendebe mere goyen doyan irde hayiŋ.

¹⁵Be, memya ma hawayiŋ ginhem gega, Figelusya Hermogenesyabe Yesu gama irde haŋ mar hoyan Esia^a naŋare haŋ goyen budam wor pobe koyare hime gayen gake memya heŋ harhok nunenbe nubul tiyan gobe nurde ha gogo. ¹⁶⁻¹⁷Goyenpoga Onesiforusbe waŋ Rom taun kurunde forok yenbe ne niŋ naŋkenen kuŋ kuŋbe ninyiŋ. Nenenbe koyare hime gake memya ma heŋ faran nurde huginen waŋ nintinde po hike dufayne kanduknen goyen hipirken nurde hinhem. Goke tenbe Doyan Al Kurunniŋ belen Onesiforusyen diriŋmiŋmiŋ goyen buniŋen yirde unwoŋ yen nurde hime. ¹⁸Yenbe bikken Efesus taunde hinhem goyenter wor al gore faran nurde hinhin kurun gobe nurde ha gogo. Niŋgeb goke tenbe nalu funandebe Doyan Al Kurunniŋ belen buniŋen irde muruŋgem igiŋ unwoŋ yen nurde hime.

Taren heŋbe al saba yird yird meten goyen al hoyan manan yunayin

2 ¹Niŋgeb urne, ge manan Yesu Kristu belen buniŋen girde igiŋ igiŋ girde hi bana heŋbe mekerke Al Kurun belen faran gurkeb tareŋ hawayiŋ. ²Gebe hakot neya kuŋ henya saba girde hinhem. Gega ne po moŋ. Al hoyan manan saba girde hinhem gwahade goyen po Yesu niŋ saba girde hinhan. Niŋgeb al kura igiŋ hekken nurd yuntek irde kenkela al saba yird yird mata nurde haŋ goyen yenenbe go mar goyen muŋ po yade saba girde hinhet gwahade goyen po saba yirde hayiŋ. Irkeb yen wor mere goyen basan heŋ al hoyan wor saba yirde hinayin.

³Be, neŋ Yesu Kristuyen meten marbe yen ge ten kanduk yenen hityen gega, goke ma busaharde hityen gwahade po, ge manan fulenja al fudinde wor po yara heŋbe neŋ ten hityen gwahade po ten hayiŋ. Fulenja al fudinde wor pobe doyan almiŋde mere nurde meten ten henya kanduk kura kinyen goyenpoga, go ma busaharyen. ⁴Irde fulenja al gobe doyan

^a **1:15** Esia naŋa gobe gayenter niŋ Esia naŋa kurun goke ma yitiŋ. Gayenterbe Turki inen hanjen.

alminj daha mat kura amanenj nurd nunyenj yenbe fulenja mar monje mata tubul tenj fulenja marte mata goyen po gama irde hiyen. Gobe metenjen gega, bada ma hiyyen. Ningeb ge mananj gwahade po, Doyanj Al Kurunje belen daha mat kura amanenj nurd nunyenj yenbe Al Kurunjen meten alyen matabe metenjen gega, goyen po gama irde hayinj. ⁵Be, Yesuyen meten al gote maya mere kurabe al kura kup yen yen karire hiyen al gote mata yara. Al gobe kari gote mata goyen kenkela ma gama irde kup yen kuyen gob epte ma murungem tiyyen. Hubu wor po. Be, karire ninj mata minjan gwahade goyen po, Yesuyen meten mar belen gama irtek mata mananj hanj. Ningeb ge mananj yende meten al ningeb, meten marminj gote mata kenkela po gama irde hayinj. Gogab kame yen belen gote murungem gunyen. ⁶Be, Yesuyen meten al gote siraw mere kurabe gahade. Be, bingge meten tenbe kame nen nen nalu forok yeke ganuj wa bingge goyen yade niyyen? Al hoyanj monj. Meten minj al gore wa fonen kanj niyyen. Gega binggebe dulnenj ma forok yeke niyyen. Meten kurun wor po tenj gab niyyen. Ningeb ge mananj gwahade po, Yesu nin meten kurun po tenj hayinj. Irde meten go tenj henja kanduknenj wor po nurde hayinj goyenbe, kurut po yen hayinj. Irkeb kame yen belen gote murungem gunyen. ⁷Be, mere girhem gabe Doyanj Al Kurun belen faranj gurkeb mere gote minj goyen tumnanj igin bebak tiyayinj geb, mere girhem gabe kenkela dufay hawayinj.

⁸Be, bikkenj Israel marte doyanj al kurun Dewit gote minde ninj al Yesu Kristu, Al Kurun belen kamyinde mat isanj hekeb huwaryinj al goke bege sir ma yiyyen. Yesu ninj ginhem gabe mere fudinde ne belen tagalde tukunj himyen gogo. ⁹Munanj Yesu ninj igin ma nurde hanj marbe daha mere goyen tagalde tukuyenj yenbe bulun bulun nirde kawo al kura nirtinj yara nade fere nirde koyare neranj hime gago. Goyenpoga Al Kurunjen mere Yesu ninj yitij goyen al budam nurde tukunj hanj gobe al kura belen epte ma isikamtek hi. ¹⁰Be, Al Kurunjen merebe gwahade geb, Al Kurun belen nawaryinj gwahade po alya bereya kame yawarenj yen bikkenj dufayminde basinja yiryinj goyen mananj mere goyen nurde gama irkeb yawaryen. Irkeb go mar gobe Al Kurun sanjinminj turunjanj goya huginenj hinayinj goke tenbe meten tenj himyen. Irde meten tenj henja kanduk kurayen kurayen yenenj himyen gega, mukku ma tenj goya goya tarenj po henj himyen. ¹¹Be, Yesu ninj tenbe kanduk yenenj yenenj goke mere fudinde kura gaha yen hanjen:

“Yesu belen nende mata bulun ninj tenj kamyinj.

Irke nenbe yen ge dufaynininj tarenj irtinj geb, mata bulunjininj bikkek mananj kamtinj hi.

Ningeb nenbe kamyinde mat huwaryinj al Yesuya huginenj hitek.

¹² Yesu ninj kanduk yenenj hityen gega, mukku ma tenj sanjin po hetek gobe kame yenja henj det kurun gayen doyanj yirde hitek.

Munan Yesu pel irde harhokniniŋ untek gob kame yeŋ wor harhok dunyeŋ.

¹³ Neŋbe, “Yeŋ po gama irde hitek,” yeŋ hityen gega, soŋ heŋ hityen.

Munan yeŋbe neŋ gayen yende wor po yeŋ nurde harhok duntek ma irde hi geb, biŋa tiyyiŋ goyen po gama irde hiyeŋ,” yeŋ hanŋyen.

Al Kurunŋ diliŋde metenŋ almiŋ igiŋ hawayiŋ

¹⁴ Be, al kura yade saba yirde hayiŋ ginhem mar goyen saba girde hime gayen basan heŋbe saba yirde bebak yirde hayiŋ. Usi saba marya usi meremiŋ goke kadam mohonŋde teŋ haŋ gobe det igiŋ kura ma forok yeŋ hiyeŋ. Irde mere gwahade tikeb marmuyan yirde haŋ mar gote dufaymiŋ manan bulun wor po heŋ hanŋyen. Niŋgeb saba yirde hayen mar goyen, “Usi saba mar goya kadam mohonŋde ma teŋ hinayiŋ,” yineŋ Al Kurunŋ diliŋde sanŋiŋ po hayhay yirde hayiŋ. ¹⁵ Munan Al Kurunŋyen metenŋ al igiŋbe Doyan Almiŋ gote mere fudinŋde goyen fudinŋde mat tagalde al saba yirde hiyeŋ. Irde metenŋ teŋ hi goke Al Kurunŋya alyat diliŋde memya ma heŋ hiyeŋ. Niŋgeb ge manan Al Kurunŋ beleŋ metenŋ alne igiŋ yeŋ neneŋ hiyeŋ yeŋ kurut wor po yeŋ hayiŋ. ¹⁶ Irde mere miŋ miŋmoŋ megen niŋ dufay bulun po ga kurunŋ hitiŋ mere teŋ teŋ mata goyen yilwa irde gisaw po hayiŋ. Go mata bulun goyen epte ma tubul titek haŋ marbe mata go po teŋ kun kun bulun wor po heŋ epte ma Al Kurunŋ palap irtek mata teŋ hinayiŋ geb, gago gineŋ hime. ¹⁷ Go mar gote sababe al kura uliŋde usu kurunŋ kura forok yeŋ sikkeŋ bida heŋ kun hiyeŋ go gwahade goyen po, Yesu nurd untiŋ mar gote dufaymiŋ bulun yiryenŋ. Mata bulun gwahade teŋ haŋ mar kurabe Himeneusya Filetusya gogo. ¹⁸ Irem gobe Al Kurunŋyen mere fudinŋde goyen tubul teŋbe, “Yesu niŋ dufayniniŋ tareŋ irtiŋiŋ nalu goyenter tonniniŋ gergeŋ hamiŋ gobe kamtiŋde mat huward huward mata gogo forok yiriŋ. Niŋgeb ulniniŋ kamyenŋde mat huward huward matabe hubu,” yeŋ usi wor po teŋ haryen. Irkeb Yesu nurd untiŋ mar kurabe sabamiŋ nurdeb Yesu niŋ dufaymiŋ sanŋiŋ irtiŋ goyen bulun heŋ haŋ. ¹⁹ Gega Yesuyen alya bereya sios Al Kurunŋ beleŋ forok irtiŋ gobe tola tareŋ po yimiŋtiŋ go gwahade yara geb, go ma bulun hiyyenŋ, sanŋiŋ po hiyeŋ. Sios goke Al Kurunŋyen asanŋdeb, “Doyan Al Kurunŋbe alya bereyamiŋ goyen keŋkela nurd yuneŋ hi,” yitiŋ hi. Irdeb, “Al kura yinggen ge yeŋ, ‘Nebe Doyan Al Kurunŋyen al,’ yeŋ hi al gobe mata bulun teŋ teŋ mata tubul po tiyyenŋ,” yitiŋ hi.

²⁰ Be, sios bana igiŋ metenŋ titek alya bereya goke maya mere mat bebak girenŋ tihim. Be, hora alyen ya kurunŋ bana gonŋbe koronŋ kurayen kurayen haŋ. Kurabe golya silwaya beleŋ keŋkela wor po yirtiŋ haŋ. Kurabe heya megenŋya beleŋ po mali maliŋenŋ yirtiŋ goyen manan haŋ. Koronŋ kura golya silwaya beleŋ keŋkela wor po yirtiŋ gobe koronŋ igiŋ, damum hende wor po geb, dula matarebe koronŋ igiŋ goyen yade biŋge

yerde nen hanjyen. Munaj heya megenya belej mali malijen yirtin gobe koron igin mon geb, mali nebanja bingge diknen gwahade goyen gor yerde yukun yemeyde hanjyen. ²¹Be, maya mere gote minbe gahade: al kura Yesu gama irde hi al belej usi saba marya awalik hen saba bulunmin goyen ma gama irde yingen bulun ma hiyyenbe al gobe mel gote tikin minmon geb, Doyan Almin dilingde wukken po hiyen. Irde Doyan Almin gote meten igin goyen tumnan igin titek ala hiyyen. Ningeb koron igin gwahade gobe min al belej bingge nen nen nalu karkuwanja bingge igin yerde nen hanjyen gwahade goyen po, al goyen manaj Doyan Almin belej, “Al gabe wukken ningeb, kenkela metenne tiyyen,” yenbe metenmin igin untek hiyen.

²²Ningeb gebe al fonende dufay bulunya mata bulunya gobe yubul tiyayin. Yubul tenbe beger mat fudinde wor po Doyan Al Kuruninin dolon irde kasor irde han mar belej mata ten hanjyen gwahade goyen po ten hayin. Matabe gahade: Al Kurun dilingde huwak po hen hen mata, yen ge hekken nurd nurd mata, Doyan Al Kurunya al hoyanya nin amanen nurd nurd mata. Irde bege kamke igin po hen hen mata. Mata igin kurun gwahade goke po bingge kamtingen ten hayin. ²³Irdeb al fonende mata kurabe kadam mohonde ten henbe gor mat arde hanjyen geb, gebe mata gwahade ma ten hayin. ²⁴Gebe Doyan Al Kurunyen meten al ningeb, meten marminde mata po gama iren yenbe kadam mohonde ma ten hayin. Gwaha titnenbe bearar hende mon, bekkende mere yirdeb igin igin yirde hayin. Goyenbe al yunkuren yunkuren hitte po mon, tumnan ala po gwaha yirde hayin. Irde al saba yird yird mata kenkela nurde hayin. ²⁵Munaj dufay bulun kerde asogo girde han mar goyen bearar hende ma mere yirde hayin. Bekkende mere yirde kenkela saba yirde henjyabe Al Kurun belej mel goyen daha kura yirke mata bulunmin yubul ten Al Kurun hitte bin mulgan hekeb Al Kurunyen mere gote saba fudinde goyen kenkela bebak tiwon yen nurdeya saba yirde hayin. ²⁶Irdeb mel gobe Satanyen usi mere po gama irde hanjyen geb, saba yirde henjyabe mel goyen sabage nurde bulunde hite yen bin bak yeke Satan gote usi go ma gama irwon yen nurdeya saba yirde hayin.

**Yesu mulgan hen hen nin doyan hen hen goyenterbe
mata bulun kurun forok yenayin**

3 ¹Goyenpoga gayenter mat kun nalu funan belej hen hikeb mata bulun kurayen kurayen forok yeke mata gote kanduk karkuwan karkuwan gore hen hegninin bulun wor po yirde hinayin. Ningeb nalu gwahade forok yen hinayin goyen nurdeya ga hayin. ²Be, mata bulun gobe gahade: alya bereyabe yingen ge po nurdeb hora yad yad nin po dufay kurun hen hinayin. Irde ne epte yen nurdeb Al Kurunya kadomya palap ma yirde nanyan yirde ten hinayin. Irde naninya milinyat mere

ma gama irde hinayin. Irde al kura beleŋ faran yurde hinayin gega, goke igin ma nurd yuneŋ hinayin. Irde megen nin mata wukkeŋ moŋ goyen po gama irde hinayin. ³Irde al hoyan nin amanen ma nurde hinayin, al kura buluŋ yirtin goyen halde ma yuneŋ hinayin, irde mere buluŋ mat yirde hinayin. Irde ulinde po aman hetek dufay epte ma fole irtek hinayin, irde beremya dirnen wen yagoya gasa yirde buluŋ po yirde hinayin. Irde mata igin ninbe amanen ma po nurdeb ⁴yinen igin hen hen ge po nurde al usi yirde hinayin. Irde kame kanduk forok yetek goyen ma kenenya mali ga lawlaw yen hinayin. Irde usi dufay go gama irdeb dufayminbe Al Kurun gama irtinenbe ulinde po aman hetek mata buluŋ po gama irde hinayin. ⁵Al gwahade gobe hende hendem po Al Kurun palap irde hinayin geb, binde mat fudinde palap ird ird mata gote iginenbe hubu wor po. Mel gobe hende hendem po Al Kurun palap irde han. Ningeb mata gwahade ten han mar gobe yilwa yirde hoyan muŋ po pat yen hayin.

⁶Be, mata buluŋ gwahade ten han mar goyen kurabe bere kura dufaymin taren moŋ aranen mata bulunde kattek gote yare hurkunbe usi yirde bin yawarkeb yende yufukde hen usi meremin go po gama irde han. Bere gobe mata bulummin bikkekbe Yesu beleŋ halde yuntin gega, goyen go kenkela ma bebak tenbe gwaha ma dirtin yen kanduknen wor po nurde hanjen. Irde mata buluŋ kurayen kurayen gwaha titek moŋ goyen titek yirkeb bada hetek moŋ geb, go po gama yirde hanjen. ⁷Bere gwahade gob saba huginen nurde hanjen gega, Al Kurunen mere gote saba fudinde goyen bebak tenbe go hende taren hetek yara gega, epte moŋ po. Ningeb usi saba mar bere buluŋ yirde han goyen yenen yilwa yirde hoyan muŋ po pat yen hayin. ⁸Munan usi saba gore bere dufaymin sanin moŋ goyen buluŋ yirde han mar gobe bikken Isip nin doyan al kurun Fero yufukde henbe Fero beleŋ yinke karan mata ten hinaryum al irawa Yanisya Yambrisya yara. Irem goreb Al Kurunen mere Mose beleŋ yirin goyen asogo irde hinaryum gwahade goyen po, usi saba mar gobe Yesu nin mere yitin gote saba fudinde goyen asogo irde han. Mel gobe Ungura beleŋ dufay igin kertek gasunbe ten pasi. Irde Yesu Kristu nin dufaymin taren ma irde han. Ningeb Al Kurun beleŋ mel gobe dirinen wen yen ma nurd yuneŋ hi. ⁹Yanisya Yambrisya beleŋ usi tiyaryum goyen kawan forok yeke al nurd pasi hekeb meremin kurun ma hiriŋ gwahade goyen po, mel goreb alya bereya usi yirde buluŋ yirde han gega, al budam bebak tenbe gama ma yirkeb usi meremin gobe kurun ma hiyyen.

Saba nurde hinhan goyen po gama irde hayin

¹⁰Be, ne beleŋ al saba dahade yirde mata dahade ten himyen, irde dufayne dahade kerde Al Kurunen meten ten himyen goyen kenkela nurde ha gogo. Nebe Al Kurun nin hekken nurde himyen, irde al kura

matamiŋ igiŋ hewoŋ yeŋ doyaŋ heŋ heŋ ge piŋeŋ ma heŋ himyen. Irde alya bereya goke amaneŋ nurde yuneŋ himyen. Irde kanduk forok yeke goke mukku ma teŋ goya goya tareŋ po heŋ himyen. ¹¹Nebe al beleŋ buluŋ buluŋ nirde hike kanduk yeneŋ himyen gobe wawuŋ unjkureŋ po moŋ. Antiok, Aikoniamyabe Listra taunya bana goŋ hinhemyabe ne ulner kanduk budam forok yamiŋ. Goyenterbe goŋ niŋ al beleŋ Yesu niŋ yitiŋ mere goke igiŋ ma nurde buluŋ buluŋ nirke goŋ heŋ heŋ niŋ meteneŋ wor po nirde hinhin. Gega goke mukku ma teŋ goya goya saŋiŋ po heŋ hinhem. Goŋ heŋ metenbe teŋ hinhem po. Irkeb Al Kurun beleŋ kanduk yeneŋ himeke neneŋbe faran nurke gago hime. ¹²Fudinde wor po, Yesu Kristuya awalikde po heŋ mata huwak po titek nurde han mar kurun gobe mata goke igiŋ ma nurde han mar beleŋ asogo yirde buluŋ buluŋ yirke kanduk kurun yeneŋ hinayiŋ. ¹³Munan mata buluŋ teŋ al usi yirde han mar gobe mata buluŋ po teŋ kuŋ kuŋbe buluŋ wor po henayiŋ. Mel gobe Ungura beleŋ lom yirke mata bulunde katnayiŋ. Goyenbe igiŋ hite yeŋ nurdeb al hoyan saba igiŋ mat yirhet yeŋ buluŋ mat saba yirke al hoyan goyen manan bulunde katnayiŋ.

¹⁴⁻¹⁵Goyenpoga gebe Al Kurunyen mere asande katiŋ gob ganuŋ mar beleŋ saba girde hinhan gobe nurde ha. Irde hako diriŋ henya mere goyen saba girde hike gote miŋ bebak teŋ hinhan goyen po wan wan gayenter manan nurde ha gogo. Niŋgeb saba fudinde goyen tareŋ po tanarde hayiŋ. Al Kurunyen mere asande katiŋ gobe mali mere asande katiŋ gwahade moŋ. Hoyan wor po. Asande mere katiŋ goyen gigen kapyan henbe wuk yeŋbe Yesu Kristu niŋ dufaye tareŋ irariŋ. Irke Al Kurun beleŋ mata buluŋ bana hinhande mat gumulgan tiyyiŋ gogo ha. ¹⁶Al Kurunyen mere asande katiŋ gobe tumnan Al Kurun beleŋ bikken meten marmin ketal yurke asande kayamiŋ geb tonneŋ yan. Niŋgeb al kura beleŋ kapyan hekeb mata daminbe fudinde goyen mere gore saba yirde mata buluŋmiŋ yikala yirke bebak tenbe yubul teŋ hanyen. Irde mere gore Al Kurun diliŋde mata huwakbe gogo yeŋ yikala yirde hi. ¹⁷Niŋgeb Al Kurunyen alya bereyabe Al Kurunyen mere beleŋ ep yirtiŋ hinayiŋ. Gogab meten kurayen kurayen Al Kurun diliŋde igiŋ gobe igiŋ ala po teŋ hinayiŋ.

Al Kurun beleŋ meten guntiŋ goyen tumnan pasi po yirayiŋ

4 ¹Be, Yesu Kristube Doyaŋ Al Kurun heŋ wanbe al diliŋ gergeŋya kamtiŋya goyen tumnan gabu yirdeb al igiŋya buluŋya pota yirde matamiŋ gote murungem nende gigen yunyeŋ. Niŋgeb Al Kurunya Yesu Kristuyat diliŋ mar mere saŋiŋ po gireŋ tihim. ²Mere gobe gahade: Al Kurunyen mere tagalde tukun hayiŋ. Irde hugineŋ tagal tagal niŋ gitik po teŋ hayiŋ. Al beleŋ mere goyen nurde gama irnayiŋ ma gama ma irnayiŋ gega, gebe hugineŋ tagal tagal niŋ gitik po teŋ hayiŋ. Irde mata

bulunmin yenenbe sope yirde hayin. Irde al kurab mata bulunmin goke yinen ten hayin. Irde mata igin ten ten dufaymin sanin po yirde hayin. Goyenbe gwaha yirde henyabe al goyen aran po matamin igin po hewon yen doyan hen hen ge pinen ma hen hayin. Bekken de po saba yirde hayin. ³Fudinde wor po kamebe alya bereya belej saba fudinde nurtek ma yiryen. Irde megen nin mata bulun titek dufay po gama irdeb saba kura ulinde hapek yan nurtek goyen saba dirnan yenbe usi saba mar po budam yade hinayin. ⁴Usi saba mar yade hinayin mar gobe saba fudinde nurtek goyen tubul tenbe megen nin usi baran po palja yirde fudinde yen nurde gama yirde hinayin.

⁵⁻⁶Be, nebe Roma gabman belej mayteke kami yen bikken mere sege iramin geb, megen ga tubul ten kamtek nalunebe binde hen hi yen nurde hime. Goke tenbe nigen Al Kurun une yen kamde kamde nin huginen gitik ten hime gago. Ningeb megen gar ulyande hayin kurun gobe kenkela po dufay hen ga mata ten hayin. Kanduk yenen hayin gega, goke mukku ma ten goya goya taren po hayin. Mereminbe tagalde po hayin. Gebe Al Kurunyen meten al geb, meten dahade kura gunyen gobe tumnan pasi po irayin. ⁷Munan nebe Al Kurunyen meten nin igin ma nurde han mar belej asogo nirde han yen gega, nebe goke kafura ma hen fole yird yird nin kurut wor po yen himyen. Irde Al Kurun nin hekken nurd nurd mata goyen taren po tanarde himyen. Irde kup yen yen karire han mar belej kup yen kun murunde forok yen han go gwahade goyen po, ne manan Al Kurun nin meten ten tenbe gago funan kamtek nalune binde hihi. ⁸Gwahade ningeb Doyan Al Kurun belej huwak po nenenbe yen sopte wan wan nalure matane gote murungem nunyen. Goyenbe ne po mon, yen mulgan hen hen nin doyan hen han mar goyen tumnan matamin huwak gote murungem yunyen. Yenbe alya bereyat mata igin ya bulunya goyen huwak mat po pota yirde gote murungem yunen yunen al geb, gwaha po diryen.

Timoti, aranen po wayayin

⁹⁻¹²Munan meten kadinin Demasbe megen nin mata goke dufay hen hen mata gore tulun tike hapek yan nurdeb nubil ten Tesalonaika taunde kurin. Kresensbe Galesia nanare kurin. Irde Taitusbe Dalmesia nanare kurin. Munan Tikikusbe Efesus taunde ten kermeke kukeb Luk po gab neya har. Ningeb gar wan wan belej kura kenenbe aranen po wayayin. Goyenbe Makbe Al Kurun belej meten nuntin goyen igin faran nuryen yen nurde hime geb, waye yenyabe Mak inen gab tumnan wayiryen. ¹³Irdeb amilne Troas taunde Karpusyen yare tubul timirin goyen manan ten wayayin. Irde asanne yago manan yad wayayin. Goyenbe asan sobam mere kan bili irtin goyen yad wan wan nin manan bege sir ma yiyyen.

¹⁴⁻¹⁵Be, baras yade det kurayen kurayen yird yird meten ten hi al Aleksanda gobe nende saba goke igin ma nurde asogo nirde bulun wor

po niriyin geb, al goyen kenkela kenen hayin. Monjo ge manan bulun giriyen geb. Kame mata bulun tiyyin goke Doyan Al Kuruninin beley wol hiyyen.

¹⁶ Hanƙapya Roma gabmanyen merere huwarmiriya goyenterbe ne faran nurtek mar minjon. Hubu wor po. Faran nurtinjenbe tumnan kafura hen harhok nunen busaharde pasi hamin. Gega nubil ten busaharamin mar goyen goke Al Kurun beley buniyen nurd yunwon yen nurde hime. ¹⁷ Mel gobe gwaha tiyamin gega, Doyan Al Kurun beley, “Nana hoyande hoyande kun merene tagalde tukayin,” niney meten nunyin goyen pasi ma irmin geb, goke tenbe yen beley ne merere huwarmirin goyenterbe neya hen faran nuriyin. Irkeb Roma gabman beley nubil tiyamin. Gobe dapna kafuram wor po kura laion beley nisitek yara gega, Al Kurun beley gor mat nawariyin gogo. ¹⁸ Be, Al Kurun beley asogone beley bulun nirnin tikeb faran nurke kun kun funanbe alya bereyamin doyan yirde hi bana gon nad niryen. Ningen yen po huginjen denem tunun yan irde hitek. Fudinde wor po.

Mere funan

¹⁹ Be, Prisilaya un Akwilaya, Onesiforusyen dirinminminya gobe yen ge dufay hen himyen goyen momon yirayin. ²⁰ Erastusbe Korin taunde tubul timirin. Munan Trofimusbe garbam irke Miletus taunde gor tubul timirin. ²¹ Gebe makan bulun ma hen hikeya gar wan wan beley kura kenenbe aranjen po wayayin. Al Kurun dirnen wen neya gar hite mar gare tumnan ge nin dufay hen hanjen goyen momon irayin ninan geb, gago ginhem. Go mar goyen kurabe Yubulus, Pudens, Linusyabe Klodia.

²² Be, Doyan Al Kurunininbe geya hiriryen, irde Al Kurun beley geyabe geya han marya goyen tumnan buniyen dirde igin igin dirde hiwon yen gusunan irde hime. Gog po.